

# BAP: Stell dir vüür

1. Stell dir vüür, do wöors em Wald un hätts en Axt bei.  
Stell dir vüür, ding Frau wöör och dobei.  
Stell dir vüür, ne Kääł köhm, jöhv ihr Schokolädche,  
tröök e Mezz eruss un jing ihr ahn de Bein.  
Jo, wat däätste dann,  
däätste maache Mann ?  
Saach mer, weehrste dich,  
oder leetzte dann ding Frau em Stech ?
2. Erstens nöhm ich mir ens flöck dat Schokolädche.  
Zweitens däät ich waade, bess hä fäädisch wöör.  
Drittens künnt ich en dä Zick paar Christbäum schlaare.  
Viertens köhm vielleicht do optisch jet bei römm.  
Fünftens däät ich dann  
ens ein rauche Mann.  
Sextens, suwiesu,  
wöör ich se quit un dann wöhr ich fruh.
3. Stell dir vüür, do jings spaziere op der Huhstrooß.  
unger dingem Ärm häätste e M.G.  
Stell dir vüür, do leef op eimohl einer Amok,  
ballert en de Lück met enem Jewehr.  
Jo, wat däätste dann,  
däätste maache Mann ?  
Saach mer, weehrste dich,  
Oder leetzte dann ding Lück em Stech ?
4. Eeztens jing ich dann ens flöck nohm "Foto Porst" renn,  
für en neu Kasett für ming Polaroid.  
Zweitens däät ich dann de Bildzeitung ahnroofe  
für 'ne Exklusivbericht op Seite eins,  
drittens däät ich dann och ens laade, Mann,  
viertens frank un frei truff einer nit esu vill wie zwei.
5. Stell dir vüür, do sitz doheim en dingem Jaade,  
nevvem dir do stünd e Flugabwehrjeschütz,  
bovven en der Luff, do köhm e russisch Fluchzeuch,  
dat will en H-Bomb schmieße, eh et sich verdröck.  
Jo, wat däätste dann? Däätste maache Mann?  
Saach mer, weehrste dich?  
Oder leetzte dann ding Stadt em Stech?
6. Ich jläuf, do däät ich eez e Stündche drövver schloofe,  
dann reef ich ming Fründe ahn, noh der Reih:  
"Saat Männ, künnt ihr mir ens jraad ming Kanon ahnschiebe helfe?"  
un dann köhm ich he bei dä Kommission vorbei.  
Kreiswehrrersatzamt wööt dann ömjelapp  
un et wöör vorbei met dä affjewichste Frorerei.